

auf mag man tröstlich sencken / sonderlich  
so sie die geschick mit silber beweysen / den  
inn der tieffe ist gar hoflich ein güt arz zu  
erbawen. **S**o aber inn dem sencken ein feü  
le kām / der darf man nit erschrecken / son  
der sie artig bey geschick behalten / vnd die  
selbe feüle ganz absinckenn / bis man den  
gang mit seinen geschicken inn die frische  
ganz widerbringt. **S**o aber ein kām in  
gesenck vorschuss / vnd ein hart gepürg od  
staynkām / das es den gang oder das arze  
vertrückt / vnd doch zwischen hangends  
vnd ligends / ein lätten oder ander gschick  
lich art fürte / dem soll man frölich nach  
faren.

**W**o nun spat gāng mit klüfften / wite  
rung oder lätten vermengt wurden / vnd  
mit einander fielen / do ist inn der tieff ge  
wislich arz zubawen / **D**arum ist fast ver  
hoflich darauff zu sencken / wiewol der ge  
schick eins oder zwey / sich also abschnitē /  
doch so andere art zukām / es were kiffwer  
cke / gilbe oder brand / die an jr selber silber  
hielt / der mag man dannoch wol nach  
bawen.

**W**o aber inn dem sencken **S**pat erbau  
wet wurde / vnd sich der **S**pat abschnitt /  
vnd inn kurzem kām arz gefiel / do ist zu  
besorgen